

四庫全書

史部

欽定四庫全書

浙江通志卷一百四

物產

四

紹興府

八貨 越絕書甲貨之戶曰桑為上物賈七十乙貨之戶曰黍為中物石六十丙貨之戶曰赤豆為下物石五十丁貨之戶曰稻粟令為上種石四十戊貨之戶曰麥為中物石三十己貨之戶曰大豆為

下物石二十庚貨之戶曰穡比蔬食故無賈辛貨之戶曰菓比蔬食無賈壬癸無貨

粳稻稷稻

弘治紹興府志稻有粳稷凡十九種今

畧書其常植而易識者駝犁望三種有六十日七十日八十日占城二種有早占城寒占城粘四種有早白晚白早黃晚黃涂蒙三種有早晚北白色者種有早白晚白粘白光頭白撩水白霜下白銀條白辦白矮白羅村白烏色者四種雁來烏老了

烏早烏粳晚烏粳紅色者二種有大紅小紅

紹興府志

稻種甚多嘉泰志列五十六種詢之農家多不能識今據山會新志採錄八邑大約相同早稻曰紫口甲朝穉麤稈細稈早白黏晚稻曰晚白黏料水白餘杭白稚蒙烏銜來驚脚黃健脚青宜興白以上俱秈類宜炊糲青稈水鮮羊鬚腩胎早黃黃穀紅黏以上俱秈類宜釀

黃私 嘉泰會稽志會稽獨有黃私之名私音仙字

書云秈稻也他無以私名者徽饒之間謂小米為私與此不同

麥 紹興府志大麥秋種立夏前熟有晚大麥

穗長子多

與小麥同熟六稜麥中早麥紅黏稷麥堪作酒小麥

十月種小滿前熟有早白麥松蒲麥芒禿如松房娜麥

穗如大麥

蘆稭 夢溪筆談稷乃今之稭也紹興府志今呼為

蘆稭以其形似蘆也然不常植山中或有之

白豆 穀譜浙東一種白豆味更勝

乳粟 萬厯山陰縣志粒大如雞豆色白味甘俗名

遇粟

稗 弘治紹興府志一名烏禾越民種之其性堪水
旱歲饑充食不減粱米釀酒踰黍稷

乾菜 蕭山縣志白菜醃之曬乾貯甕內曰陳乾菜
久愈美

苧菜 蕭山縣志其所結子爛煮之味甘如蜜
臺菜 弘治紹興府志松耐霜菜也越人呼為臺菜
有矮黃麻葉二種其羊角臺越土種之則變

仙人菜 餘姚縣志春夏雷雨驟作俄產白水山崖

石上立採可得移時無種

南瓜

述異記會稽嘗有五色瓜

山陰縣志五色瓜即南瓜種自吳中

來一名飯瓜食易飽

西瓜

寶慶會稽續志越瓜大者色正白越人當果

食之去煩熱解酒毒

弘治紹興府志西瓜產蕭山者最佳餘姚縣志西瓜產眉

山者佳今剡舉如枕者更勝

蕈

呂氏春秋菜之美者越路之菌是也會稽錄菌

今謂之茭首茭心生臺至秋如小兒臂其白如藕

軟美異常

茄 嘉泰會稽志會稽有水茄亦名銀茄云是新羅
種形如雞子

蔥 嘉泰會稽志會稽園夫藝蔥有兩等其小而美
者曰大官蔥

燕竹筍 寶慶會稽續志越人以燕來時作筍取其

早也因以為名
王十朋在剡題燕竹詩問訊東牆
竹佳名始得知龍孫初迸處燕子

正來
時

箭里筍 會稽風俗賦箭里之筍注會稽有美箭里

筍譜箭筍十二月生會稽諸山絕多
或叢生或蔓延可如筍大長三四寸

蕈筍 萬厯山陰縣志猫筍花筍箭筍三品絕佳冬
月取猫筍萌土中者曰蕈筍尤為土產之最

黃鶯筍 寶慶會稽續志苦筍以黃苞推第一謂之
黃鶯筍

筍乾 筍譜會稽煎筍乾法將小筍蒸後以鹽酢焙
乾凡筍宜蒸則味全

萼 萬厯蕭山縣志萼出湘湖味至美較勝他產

袁宏

道越中雜記蕭山櫻桃驚鳥萼菜皆知名而萼尤
美採自西湖浸湘湖一宿然後佳若浸他湖便無
味浸處亦無多地方圓僅得數十丈許其根如苻
其葉微類初出小荷錢其枝如珊瑚而細又如鹿
角菜其凍如冰如白膠輔枝葉間清液泠泠欲滴
其味香粹柔滑畧如魚髓蟹脂而清輕遠勝半日
而味變一日而味盡比之荔枝尤覺嬌脆矣惜
乎此物東不踰紹西不過錢塘以故世無知者

蕨 嘉泰會稽志東坡詩慚愧春山筍蕨甜今會稽

以蕨配筍為茹尤珍美

蔬譜會稽山間有一種似蕨而毛紫色土人謂之蕨

蕨亦謂之毛蕨不可食鄉人但以藏蘭及藉楊梅
取其性疏而不浥鬱也蕨青而蕨紫故曰紫蕨

芹 四明圖經產越中白馬山者最香美土人雜芥

為菹沃以醢醬味絕妙

蕺 會稽風俗賦採蕺于山注岑草也越王種之名

勝志蕺山少木多產蕺

弘治紹興府志蕺菜越人呼臭膽草生擷有臭氣

歲歉民斲其根食之諺曰豐年惡爾臭凶年賴爾救稗史彙編越蕺葉似蕎麥地肥亦能蔓生莖葉紫赤色多生山谷陰處吳越春秋云越王嗜蕺嘗採於此山故名

葛粉 爾雅翼越葛花藤皆可醒酒明一統志各縣

出葛粉

山蔓菁 列仙傳劉綱夫婦隱居四明龍泉山植山

蔓菁為食婦先綱仙去謂綱曰菜熟亦仙

海藻 埤雅浙右山嶺重阻人鮮病癭者按本草海
藻昆布青苔紫菜皆療瘤癭結氣被海之邦食此
故能療之也

禹餘糧 弘治紹興府志嵊縣了山產

芝麻 弘治紹興府志越人不多植山中有之可為

油

乳餅 嘉泰會稽志中州坪潼取酪酥以雍酥為冠
而越中尤佳凝厚者曰乳餅

桑

四明圖經有如錦之桑

會稽三賦注諸暨出第一
歷桑文采如博棊方

正駢次有如畫作可為履編弘治紹興府志舊志
云會稽產如錦之桑然今越產多野生謂之烏桑
植者反不及之

松 名勝志蕭山縣北幹山多植松故有北幹松風
之稱

柞 風土記始寧剡界山多柞木越人謂之櫪木

櫟 水經注若邪溪上有一櫟樹謝靈運與惠連嘗
游之作聯句題刻樹側

檀 淳熙雜志郊祀五輅車材以剡中檀木為之

楮 弘治紹興府志楮穀也出剡中皮斑有瓣者為
楮皮白者為穀無瓣者為構

檉 弘治紹興府志出餘姚四明山俗呼西河柳其
葉甚細似柏而香天將雨水則生花試之多驗

櫛 弘治紹興府志蕭山縣櫛木堰以其地舊產櫛

阜英 列仙傳劉綱隱四明山觀前阜英樹一株相

傳為綱登仙之木

寶慶會稽續志劉綱仙樹在餘姚祠宇觀

梭櫚 山陰縣志梭山產

沈香樹 袁宏道游五泄記青口有古木一株土人

云是沈香樹一年一花

松陽木 弘治紹興府志木甚大或云即豫章也舊

志云唐時越城多生豫章樹每風雨聞鐘鼓聲宋

時無復存矣

貝多木 弘治紹興府志唐貞觀間寶掌禪師所植
在諸暨寶掌巖上

梅 餘姚縣志餘姚有古梅苔絲四垂疏花點綴他

處所無

梅譜項里有古梅苔蘇封枝夭矯如畫令人愛玩吳綺詩注越產雖佳移植即變不

如吳興

消梅 嵎縣志梅有金剛拳大如桃名消梅堅脆經
秋不落

雪桃 嵎縣志桃有冬熟者名雪桃

李 嘉泰會稽志李惟剡溪者見稱

櫻桃

嘉靖浙江通志蕭山櫻桃名櫻珠

寶慶會稽續志出蕭

山縣夏孝鄉宋宦者董清臣為供奉官每櫻桃宴即於未出時遣人往越貿得百顆奏曰清賞櫻桃可知越州櫻桃美矣然蕭山更勝他邑顆圓小色朱紅一二日即敗

楊梅

嘉泰會稽志今出項里何塔六峯塘裏其品

之最佳者曰官長梅色深紫香味俱絕曰線梅有紋隆隆如線色尤紫實大核小可亞官長梅也方盛出時好事者往游因置酒舟中高飮楊梅與樽

疊相間婦女簪於髻上又以雀眼竹筍盛貯為遺

唐人所稱荔枝筐不過如此

萬應蕭山縣志有接種大而味佳有草種

細而味酸色深紫出湘湖諸塢者為勝方其未甚熟時以火薰之名楊梅乾極佳劔南集詩注項里鄉俗謂楊梅止曰梅謂選擇楊梅曰作梅弘治紹興府志上虞楊梅峯在小江上林壑茂密上多楊梅能改齋漫錄越州楊梅最佳土人謂之楞梅舊浙江通志今餘姚之燭湖最佳次則蕭山陸游六峯項里看採楊梅詩綠陰翳翳連山市丹實纍纍照路隅未愛滿盤堆火齊先驚探頷得驪珠斜簪寶髻看游舫細織筠籠入上都醉裏自矜豪氣在欲乘風露摘千株

石榴 剡錄越人避錢鏐諱呼石榴為金匭

青棗 嶼縣志嶧山棗灣有一種青者今無

木瓜 爾雅翼楸瓜實如小瓜而酢陶隱居云山陰人以為良果蘭亭尤多

榧 平泉草木記木之奇者稽山之榧會稽風俗賦火榧殼玉

梨 萬厯山陰縣志越人呼為梨頭如木柵之馮家梨映日紅破塘之清消梨俱最佳

林檎 會稽三賦注高公山出千貫文林檎

蒲萄 嘉泰會稽志會稽有漿水馬腦二種味亦佳

栗 廣志越中栗大如拳

全芳備祖諸暨產如拳之栗能改齋漫錄政和中詔

本州貢焉栗固大於他州然如拳者終不可得

橙 全唐詩話張籍詩山路黃橙熟此刻中風味也

橙惟剡尤多

橘 述異記越多橘柚園越人歲出橘稅謂之橙橘

戶亦曰橘籍吳闕澤表曰請除臣之橘籍

蜜橘 明一統志紹興出

小橘 餘姚縣志產東山謝氏園者曰謝橘小而甘
金橘 嵯縣志橘種有小如彈丸者名金橘如棗者名
金棗如豆者名金豆

山查 嵯縣志生大白五龍四明諸山者樹高盈丈
實如大腹子味極甜脆

蔗 會稽三賦注赤者名崑崙蔗白者名荻蔗赤者
出會稽作乳糖弘治紹興府志山陰靈芝鄉出蔗

羣芳譜蔗糖以蜀及嶺南者為
勝會稽所作乳糖視蜀更勝

蓮

嘉泰會稽志山會諸水往往芙蓉環繞夏秋之

間川澤如錦土人取蓮子藕根為利

會稽三賦注
山陰荷最盛

出偏門至三山多白蓮出三江門至梅
山多紅蓮夏夜香風一二十里不絕

藕

剡錄越藕最佳謂之花下藕又特出羅文藕在

禹廟前他皆不逮

本草白花藕最
佳為粉益人

菱

會稽三賦注越中所產惟羅紋菱最大

嘉泰會稽志即

所謂腰

菱也

芡

嘉泰會稽志雞頭又謂之雁頭今山陰梅市之

雞頭最盛有一戶種及十八里者然亦有數等小白皮最佳大白皮中白皮其皮頗堅難齧黃嫩又太軟皆不逮也其柄又可為菹甚美越人謂之藕梗其實芡柄耳

牡丹 花木譜越中牡丹開時賞者不問親疏謂之看花局澤國此月多有輕雲微雨謂之養花天

僧仲

殊越中牡丹花品序越之好尚惟牡丹其絕麗者三十二種始乎郡齋豪家名族梵宇道宮池臺水榭植之無間歐陽修洛陽牡丹花品序牡丹出丹州延州山東青州南亦出越州陸游賞花至湖上

詩吾國名花天下稀園林盡日敲朱扉蝶穿密葉
常相失蜂戀繁香不記歸欲過用愁風蕩漾半開
却要雨霏微良辰樂事真
當勉莫遣匆匆一片飛

海棠 平泉草木記木之奇者稽山之海棠

黃梅 嘉泰會稽志剡中獨多千瓣黃梅今無又有
蠟梅二種磬口者佳

木蘭 鎮東軍使院記大厦之前木蘭特異越城之
中稱為一絕

山茶 學圃餘疏潯陽陶狄祠山茶一株榦大盈抱

枝蔭滿庭二月三日祭時花特盛好事者分種之
竟無一活紹興曹娥廟亦有之止如拱把之半土
人云千年外物也

杜鵑

平泉草木記稽山之四時杜鵑

嘉泰會稽志
越人種之庭

檻結為盤盂翔鳳之狀而法華山奉聖佛殿前
一本高與簷等花色殷紅開時照耀牆壁皆赤

映山紅

袁宏道游五泄記山中映山紅有高七八

尺者與他山絕異

紅桂

平泉草木記木之奇者剡中之真紅桂

程顥
剡桂

詩序李德裕嘗言洛龍門敬善寺有紅桂樹獨秀
伊川嘗於江南諸山訪之莫致陳侍御知余所好
因訪剡溪樵客偶得數株移植郊園衆芳色
阻乃知敬善所有是蜀道茵草徒得其名

桂漿 沈遼桂漿詩越人遠寄桂花漿敝屋欣聞破
鼻香

木芙蓉 平泉草木記會稽之百葉木芙蓉注即拒
霜也

貞桐 平泉草木記稽山之貞桐注其花鮮紅可愛
且耐久

忍冬 嘉泰會稽志一名鴛鴦藤出鏡湖水涯香如
荼蘼末利可植園圃為架承之

雙頭蓮 會稽三賦注越多雙頭蓮

白鶴花 劉詵白鶴花詩注玉笥山中有白鶴花頂
翅宛然

薔薇 平泉草木記會稽之百葉薔薇

蘭 羣芳譜句踐種蘭蘭渚山即王右軍蘭亭是也
今會稽山甚盛餘姚縣西南並江有浦亦產蘭其

地曰蘭墅洲自建蘭盛行不復齒及移入吳越輒

凋有善藏者售之輒得高價而香終少減

弘治紹興府志

會稽有山蘭而無澤

蘭今山蘭人家罕種

謹按越絕無句踐種蘭之文因越有蘭渚其命名必有所自姑存之

銀蘭 嵎志百丈巖有飛瀑巖壁間嘗產銀蘭

蕙 餘姚縣志生深谷中惟治南大江獨產蕙因名

蕙江

水仙 嘉泰會稽志山陰此花有兩種一曰水仙一

曰金盞銀臺徐師川詩金盞銀臺何足比其香既減格韻亦下

菊 嶧縣志知縣施三捷署圃植菊甚盛人擬之為

河陽花因有菊譜其詠詩有金絲柳玉梅白睡香

毬青心玉牡丹

陳獻章看菊詩扁舟何處剡溪濱夜半歸來雪滿巾爭似一瓢秋菊

伴漆園風暖蝶迷人

竹箭 爾雅東南之美有會稽之竹箭

紹興府志越產竹箭擅名

今有二種大葉者名箬箭細葉者名筭箭墨客揮犀竹為竹箭為箭蓋二物也

黃竹 名勝志蕭山縣黃竹山竹色微黃狀如刀削
相傳范蠡遺鞭所生

晉竹 吳越春秋越王使大夫種索晉竹十庾以復
封禮

筋竹 弘治紹興府志剡中甚多其筍未成時堪為
弩弦

笙竹 嘉泰會稽志今樂部笙率以會稽臥龍山竹
為貴蔡中郎得柯亭椽竹為笛亦會稽也

毛竹 剡錄剡之金庭有毛竹洞餘姚之四明山家

亦有之

嵊縣志金庭山有竹生毛節覆一節

慈竹

弘治紹興府志即桃枝竹又名四季竹作篾

柔韌堪為簞越人多植之為籬其竹夏月經雨滴汁下地生蓐似鹿角色白食之止痢

紫竹

弘治紹興府志越多細竹紫竹生剡方竹生

玉岑山蘆棲竹生嵊縣

苦竹

羅頎札記山陰有苦竹城越以封范蠡之子

則越自昔產此竹矣

弘治紹興府志苦竹與刼竹皆可作寓錢紙苦竹種有黃

青白紫頓地即散刼竹有二種一種狗刼可作紙德政坊與山陰小赭等處居民作箕篩以此為業

箬筩竹

吳越春秋袁公即杖箬筩竹

對青竹

養疴漫筆竹黃而溝青每節間出惟會稽

頗多彼人呼為黃金間碧玉

紹興府志一名金竹一名閃竹其膚膩可

作盒

器

篆刀竹

萬厯山陰縣志出越王崢上節橫錯相間

歐兕祖師遺跡也

人面竹 竹譜出剡山竹徑幾寸近本建二尺節極促四面參差竹皮如魚鱗面凸頗類人面

公孫竹 弘治紹興府志高不盈尺越人以為几案之玩

沙筍竹 談薈越州產沙筍竹採筍者輕步從之聞聲則縮入沙中

日鑄茶 方輿勝覽會稽日鑄嶺其地產茶歐陽修云兩浙產茶日鑄第一

嘉泰會稽志日鑄嶺產茶奇絕然有名頗晚吳越貢

奉中朝土毛畢入不聞有日鑄殆出在吳越國除
之後歸田錄云草茶盛於兩浙浙之品日注第一
青箱記亦云越州日鑄茶為江南第一范文正汲
清白泉以建溪日鑄臥龍雲門之品試之云甘液
華滋悅人靈襟按今會稽所產茶極多佳品惟臥
龍一種得名幾與日鑄相亞臥龍者出臥龍山知
茶者謂二山土脈相類信亦佳品然日鑄芽纖白
而長其絕品長至三二寸不過十數株餘雖不逮
亦非他產可望味甘軟而永多啜宜人無停滯酸
噎之患臥龍則芽差短色微紫黑類蒙頂紫筍味
頗森嚴其滌煩破睡之功日鑄有不能及顧其品
終在日鑄下自頃二者或充包貢臥龍則易其名
曰瑞龍日鑄他書及土人皆用此鑄字惟歐陽公
歸田錄則書為日注疑公自有所據其後亦有書
作注者蓋自歐公始也剡錄越產之檀名者有會
稽之日鑄嶺茶秦望山之小朶茶陶晏嶺之高塢

茶會稽山之茶山茶雲門山之丁坑茶東土鄉之
雁路茶山陰之臥龍山茶蘭亭之花塢茶諸暨之
石竈嶺茶餘姚之化安瀑布茶嵎縣之西白山瀑
布嶺茶五龍真如茶紫巖茶鹿苑茶大崑茶小崑
茶焙坑茶細坑茶而日鑄茶名最著舊志謂臥龍
山茶過於日鑄若化安瀑布茶陸羽品其殊異同
時號為仙茗晁冲之陸元鈞宰寄日注茶詩我昔
不知風雅頌草木獨遺茶比諷陋哉徐鉉說茶苦
欲與淇園竹同種又疑禹漏稅九州橘柚當年錯
包貢腐儒妄測聖人意遠物勞民亦安用舍桃熟
荐當在盤荔子生來枉飛鞚羊羶異好亦何有蚶
菜殊珍要非奉君家季疵真無情毀論徒勞世仍
重爭新鬪試誇擊拂風俗移人可深痛老夫病渴
手自煎嗜好悠悠亦從衆更煩小陸分日注密封
細字蠻奴送槍旗却憶采撷初雪花似是雲
溪動更期遺我但敲門玉川無復周公夢

謹按志茶者多尚名貴茶經而後著錄者夥矣今諸暨各地所產茗葉質厚味重用對乳茶最良每年採辦入

京歲銷最盛而昔人未有志及者故特拈出

茗山茶 名勝志蕭山縣茗山產佳茗

后山茶 嘉靖浙江通志茶之類有上虞后山茶

酒 名酒記越州蓬萊酒

越酒 會稽縣志越酒行天下其品頗多而名老酒者特行名豆酒者佳其法以綠豆為麴邑壤多秫少杭以此

蕭釀

弘治紹興府志蕭山縣金井為徐氏園邑人

釀酒多汲取此水是以蕭釀與越酒並重

麴藥

弘治紹興府志蓼生水澤曰虞蓼今人用為

麴藥

鹽

弘治紹興府志郡之所產常以竹盤燒之故味

美而色白為他郡最

嘉泰會稽志會稽亭戶煎鹽法以海潮沃沙暴日中將夕

刮鰾聚而苦之如是五六日乃淋鰾取酒灌以竹筒取石蓮五枚納酒筒中若三蓮浮則酒將成四五蓮浮則酒成可用謂之頭酒編竹為槃槃中為百耳以篾懸之塗以石灰纔足受酒燃烈焰中酒

不漏而槃

不焦灼

玉芝 嘉靖浙江通志會稽玉芝出陶宴嶺一名九

白花色正紅生葉下其根一歲生一白或云取其

白以麪裹炊熟吞之日三枚可以辟穀

舊浙江通志一名山

荷葉一名唐婆鏡其花生葉下色正紅故又名羞天花

甘菊 羣芳譜菊山在蕭山縣西三里山多甘菊

海根 本草拾遺生會稽海畔山谷莖赤色葉似菰

萼而小蒸而用之味苦

薄荷 本草綱目吳越人多以代茶其性涼產剡山中者味厚

細辛 弘治紹興府志諸暨縣隴山產細辛

蛇黃 圖經本草越州有之大如丸堅如石外黃內

黑蛇冬蟄時所含土到春吐之越人常以二月採

虎杖 圖經本草越州處處有之如竹筍狀上有赤

斑點爾雅云荼虎杖郭璞注云似葑草可以染赤

羊著 爾雅翼麥門冬越名羊著

木蠟 本草釋名即木鼈子今杭越皆有之藤生葉有五桮狀如山藥

烏藤菜 蜀本草今出越州蒿之類也即劉寄奴

馬兜零 本草注產越州七八月採

紫石英 元和郡縣志諸暨縣烏帶山出

諸暨縣志又水石英

在水中一頭微著石
採取必於露未乾時

禹餘糧 新昌縣志水簾洞左右有圓石如拳碎之

內有屑如餡或類麻豆隨人所欲而應俗傳禹餘

糧今化為石可作藥

蓼草 吳越春秋越念復吳怨臥則切之以蓼

薇草 剡錄五龍山重岡複嶺山坡產薇為異草

蒲草 嘉泰會稽志宋縣尉楊襲璋留家於汝湖之

東植蒲數里遂名其地曰東蒲

莎草 弘治紹興府志臺也可織蓑諸暨泌湖多有
之

藍草 弘治紹興府志可染青山陰人種之為業

莞草 弘治紹興府志有二種一為席草一為燈心

草山陰威鳳鄉及戴旗山種之故有莞田

赤莖草 太平寰宇記越州古稱出鮮麗之物橫山

產草莖赤葉青死者覆之活

會稽風俗賦
活人之草

長生草 草木疏餘姚縣上林湖盤羅石上產長生

草

三葉白草 嘉泰會稽志出鏡湖澤畔葉漸白農人

候之以蒔田葉白苗畢秀矣

餘姚縣志生於水濱
春夏水足三葉盡白

否則止白一葉或
二葉占之絕驗

鹿胎草 天中記嶧縣剡山一名鹿胎山昔有獵士
射鹿此山鹿孕而傷既產以舌舐子乾而母死後
鹿死處生草名曰鹿胎草

虎茨草 蕭山縣志細白花紅子而子性甚堅嚴冬
雪不能敗至百年止高二三尺

昌蒲 嘉泰會稽志今會稽有一種葉有脊如劍謂
之雁蕩昌蒲生石上節殊密當不止一寸九節今

人多以拳石或沙中種之為几案之翫

鶯 會稽三賦注王羲之愛善鳴之鶯越產之多者
畫眉 蟲天志過日鑄嶺稀見餘鳥惟聞畫眉而已
此鳥各占一山其侶過之必苦鬪無共棲者

竹雞 劉基活水源記靈峯之山其上曰金雞之峯
鳥多竹雞其狀如雞而小有文采善鳴

杉雞 臨海異物志越有杉雞常居杉樹下頭上有
長黃毛冠頰正青色如垂縷可食如竹雞

野鴨

嘉泰會稽志野鴨頭中有石云是石首魚所

化

鷺

嘉泰會稽志山陰瀕水人家多畜鷺皆馴不去

惟白露一日必籠之不然飛去

雪姑

嘉泰會稽志會稽人呼鷺為雪姑其色蒼白

似雪鳴則天當大雪極驗

寒鴉

嘉泰會稽志有一種名寒鴉比常鴉頗小十

月自西北來其陣蔽天及春中乃去秦太虛樂府

云寒鴉萬點流水繞孤村不至越者殆不知也

靈鳥 會稽三賦注法華山有雙鳥雛長則送出之

唯此鳥在焉故稱靈鳥

吐綬鳥 嶧志太白山有鳥如雞文采五色能吐綬

長尺

野豬 弘治紹興府志越山中有野豬豬獾狗獾豪

豬四種

狸 弘治紹興府志越山中有玉面狸文狸柿狸鰕

獾狸四種

猿 會稽風俗賦獼獼猿狄注獼母獼狄黑猿山中

多有之

會稽縣志猿好踐稼會稽山間陸種如豆麥之類多為踐毀天衣寺僧法聰令捕一

老猿被裘巾細縫使之不可脫縱之去老猿跳趨其群遠望而畏之皆捨去老猿趨愈急相逐日行數十百里其害稍息

石首魚 弘治紹興府志生東海中春水既至則羣

至海濱淺處散子求魚者聞水底鳴如鴨乃下網其魚夜視有光鮮食甚佳暴乾成鱞蓋海味之珍

嘉魚 方輿勝覽蕭山縣城山上有泉多嘉魚

追紅魚 弘治紹興府志白魚生嵯縣嶧浦祠下大者二三尺頭昂者上品尾頰者名追紅

春魚 大業拾遺記似石首而小歲以仲春至鹽渚而乾之名曰舍肚

鯽魚 嘉泰會稽志蕭山湘湖之鯽珍美為越中之冠

小鱖魚 劉基活水源記中有小鱖魚色黑居石穴

中水鼠常來食之

鰕魚

弘治紹興府志越中間有惟浦陽江為多

銀魚

張先入越詩春後銀魚霜下鱸遠人曾到合

思吳

半面魚

嘉泰會稽志越王食魚未盡以半棄之水

中化為魚遂無一面名半面魚

能改齋漫錄越王句踐之保會稽方

斫魚為鱠聞吳兵至棄其魚於江中化而為魚猶作鱠形也故名鱠殘魚亦曰王餘魚吳都賦曰半則王餘王逸注曰王餘魚其身半也

獐獐魚 弘治紹興府志獐獐湖去山陰縣西北越人呼黃色無鱗有刺之魚曰獐獐此湖至今多出此魚故名非獸也

三色鯉 餘姚縣志自黃山港至汪姥橋曰姚江其鯉口尾青自橋而西至西石廟曰舜江其鯉口尾赤自廟而西曰蕙江其鯉口尾白而微黃共在一

水分界不亂 皇甫汈游越溪詩三江橫貫兩城中同是潛鱗色不同更道芳洲多蕙草

幾叢花發倚春風

鯉花 嘉泰會稽志越人謂鯉之小者為鯉花鱸之
小者為鱸靛鯽之小者為鯽核鯉之小者為鯉積
鮎之小者為鮎篋皆莫詳其義

小麥魚 餘姚縣志其大如筋小麥熟時生產積慶
寺前溪舊志作鮓魚者非

烘魚 餘姚縣志橫扁無鱗黃色濱海人烘乾食之
風鰻 弘治紹興府志越人每於秋中風潮起時取
之謂之風鰻

靈鰻

墨客揮犀越州應天寺鰻井世傳靈鰻時出

游人取之置懷袖間了無驚猜有鱗兩耳尾有刃

迹

寓簡沈存中嘗游會稽登天寧寺觀鰻井水之
盈虧與潮相應中有靈鰻狀若殿柱人罕得見

鰻線

萬厯山陰縣志鰻之初生者數寸瑩白如線

產三江惟清明後十日有之味鮮美

雞冠蛇

談薈會稽山有雞冠蛇頭如雄雞冠長尺

餘圍可數寸

黿

嵯縣志嵯浦潭有大黿方丈許者時出曝沙間

螯

萬厯山陰縣志紫螯產上河其味尤冠絕

蟹本

蟹周禮疏作旁取其橫行今字益出乃是俗加旁蟹之呼名古矣越人云和鹽泥養之可踰月

石螯

劉基活水源記活水源東注若耶之溪其中

有石螯大如錢

蛤

會稽三賦注蛤有文故謂之文蛤元微之詩鄉

味尤稱蛤

蛭

弘治紹興府志會稽蛭浦產者佳甲蟲之珍味

蝦

剡錄越人謂杜鵑曰謝豹謝豹啼時漁人獲小

鰕名謝豹蝦

吐鐵 餘姚縣志狀類蝸而殼薄吐舌銜沙沙黑如
鐵至桃花時鐵始盡吐乃佳

綾 會稽三賦注越貢白編綾交梭綾十樣綾大花

綾

姬侍類偶煬帝以越州所進花綾獨
賜司花女袁寶兒及絳仙他妃莫得

羅 弘治紹興府志越之舊產故稱越羅唐時擅名

天下今織染局雖造白生羅而民間所織絕無佳

者

老學庵筆記遂寧出羅
謂越羅似會稽尼羅

花羅 會稽三賦注越貢花羅

紗 太平寰宇記越州產緋紗交梭白紗

輕容紗 弘治紹興府志舊產蕭山夏織為上秋織
次之冬織最下蓋絲遇寒即脆而帛地不堅故也
縐紗 剡錄剡中產縐紗極精好服之如挂冰雪今
不復造

絹紬 弘治紹興府志諸暨所產絹有花山桐山板
橋之名紬有絲紬絲紬二種

蕭絹 嘉靖浙江通志紹興蕭絹初郡人蕭姓者製

因名

葛布 越絕書葛山者句踐罷吳種葛使越女織治

葛布獻於吳王

采葛歌葛不連蔓莖台台我君心苦命更之嘗膽不苦甘如飴令我

採葛以作絲女工織兮不敢遲弱於羅兮輕霏霏號絺素兮將獻之越王悅兮忘罪除吳王懼兮飛尺書增封益地賜羽奇几杖茵褥諸侯儀羣臣拜舞天顏舒我王何憂能不移

苧布 弘治紹興府志唯諸暨最精相傳以為西子

遺習其種有腰機兼絲西洋生苧熟苧之別

縐布 弘治紹興府志以麻為之諸暨靈泉鄉產者
精好織密如羅漱之以水輒成縠紋名山後布嵎
縣產者麤名强布

剡牋 嵎志剡藤紙名擅天下式凡五藤用木椎椎
治堅滑光白者曰硨牋瑩潤如玉者曰玉版牋用
南唐澄心紙樣者曰澄心堂牋用蜀人魚子牋法
者曰粉雲羅牋造用冬水佳敲冰為之曰敲冰紙
今莫有傳其術者

陳端剡牋詩雲母光籠玉楮溫
得來元是剡溪漬清涵天姥峯

頭雪潤帶金庭谷口雲九萬未充王內史百番聊
贈杜參軍從知醉裏縱橫墨不到羊欣白練裙

竹紙

紙箋譜越中竹紙

嘉泰會稽志刻之藤紙得名最舊其次苔牋今獨竹

紙名天下遂掩藤紙竹紙上品有三曰姚黃曰學
士曰邵公工書者喜之滑一也發墨色二也宜筆
鋒三也卷舒雖久墨終不渝四也性不蠹五也米
元章書史云予嘗硯越州竹光透如金版在油拳
上前輩貴會稽竹紙於此可見米芾硯越竹學書
詩越筠萬杵如金版安用杭油與池繭高壓巴郡
烏絲闌平欺澤國清華練老無長物適心目天使
殘年司筆研圖書滿室翰墨香劉薛何時眼中見
薛道祖和米芾越州竹紙詩書便瑩滑如碑版古
來精紙難鬪繭楮成刻竹光零亂何用區區書永
練細分濃淡可評墨副以溪巖難乏硯
世間此理誰復知千里同風未相見

雁頭箋

談薈羅隱以越中雁頭牋贈萇鳳鳴

冰紙

草木疏江南以楮搗紙剡溪作冰紙亦取此

蠶繭紙

書史會要王逸少以蠶繭紙書蘭亭序

寓錢紙

弘治紹興府志山陰夏履埠出

麥麴紙

談薈浙東有麥麴稻桿紙

大牋紙

格古要論上虞縣有大牋紙一種至厚一

種稍薄

月面松紋紙

談薈白樂天墨蹟有印文曰剡溪月

面松紋紙

草紙 山陰縣志出南池以草為之

狸毛筆 正統上虞縣志香狸之毛可為筆

鼠鬚筆 書史會要右軍書蘭亭序時用鼠鬚筆

筆管 四明圖經越出筆管

六角扇 埤雅王羲之在戴山有老嫗持六角竹扇

賣因書扇各五字

蒲扇 弘治紹興府志蒲水草可作扇蕭山鳳儀鄉

民以之為業

謹按會稽陶堰出紙扇甚潔緻以密節細竹為柄糊以白紙堪作書畫陸游詩云團扇家家畫放翁此謂

苳席 輿地志苳草出上虞夏蓋山人織以為席

名勝志苳草
席蕭山縣出

竹簟 西京雜記會稽貢竹簟號流黃簟

麻弦 越絕書麻林山句踐欲伐吳種麻以為弓弦

柏油 弘治紹興府志烏柏之實可作油今嵎縣新

昌山中人栽植之為業

水銀 弘治紹興府志餘姚縣龍泉山產

銀沙 會稽縣志銀山無草木產銀沙舊有禁恐礦
氣攻田禾也

銅錫 越絕書赤堇之山破而出錫若耶之溪涸而

出銅

劉基出越城至平水記赤堇之山其東山曰日鑄有鉛錫

鑄鉞 百寶總珍集僧家市語呼滑仗越州多有鑄
者

越窑 負暄雜錄秘色窑器世言錢氏有國日越州
燒進民間不得用故云秘陸龜蒙詩九秋風露越
窑開奪得千峯翠色來好向中宵盛沆瀣共稽中

散鬬遺杯乃知唐世已有非始於錢氏

老學庵筆記耀州出

青瓷謂之越器似以其類餘姚秘色也然麤撲不佳六研齋筆記南宋時餘姚有秘色磁麤撲而耐久今人率以官窑目之談蒼吳越時越窑愈精謂之秘色即所謂柴窑也或云製器者姓或云柴世

宗時始進御云

謹按越紙越窑自古著名今不聞有產者然非樹莚資生之物雖缺亦不為害也

浮石 諸暨縣續志城東聖姑殿前流泉清溜能結

浮石

碧石 弘治紹興府志山陰縣碧山產碧石

寶珠石 正德諸暨縣志寶珠山有細石其圓如珠

故名

彈丸石 剡錄謝巖山晉謝靈運游此四顧放彈今

有彈丸石

茶上石 諸暨縣續志雞冠山產奇石名茶上

文石碑石

弘治紹興府志諸暨出文石有花紋與

鬱林同出碑石甚細可作碑不下湖州

柘器

寶慶會稽續志柘越中多有之非但葉可供

蠶事其木文理縝密而黃色可愛堪為器具

斑竹器

述異記越中有顧家斑竹用以作牀椅及

他器具甚清雅


竹火籠

萬厯會稽縣志竹火籠陶堰製者甚佳

炭

越絕書練塘者句踐時采錫山為炭稱炭聚載

從炭瀆至練塘各因事名之紹興府志會稽山出



浙江通志卷一百四

欽定四庫全書

史部

浙江通志卷一百五

六

詳校官給事中臣戴璐

檢討臣德生覆勘

總校官編修臣倉聖脉

校對官監丞臣張曾炳

謄錄舉人臣史殿榮

欽定四庫全書

浙江通志卷一百五

物產

五

台州府

穀 赤城志丹丘穀夏冬再熟言其土所宜也夏熟

者曰早禾冬熟者曰晚禾其最早者曰六十日曰
隨犁歸曰梅裏白曰便糧其次早者曰白婢暴曰
紅婢暴八月白晚者曰白香曰白堇曰大禮細禮

是數者名最著土人通藝焉又以色言之則大青
矮青光頭青黃散私馬紫紅金珠之類是也而馬
紫紅尤香而甘以次言之則獻臺相連寄生第二
遍之類是也而獻臺最貴至於旱稜宜旱倒水賴
宜水是又其性之相反者也糯之種相傳有數十
而可記者有流水糯白糯黃糯麻糯荔枝糯烏鹽
糯皆以其色近似至葉婆糯郎君糯則因其人得
名而矮子糯則以其穗短而稱焉占城自占城國

至剡私自剡至大中祥符中遣使於福建取種分
給種之今土俗謂之百日黃是又得之閩中也名
雖多總其目曰杭曰糯爾雅所謂黏與不黏者是
其別與

豆 赤城志豆有五色又有形如虎爪羊角刀鞘者
又一種白扁豆生籬落間可藥可食

芥菜 赤城志一名水蘇有紫芥黃芥青芥油芥數
種出石罅者曰山芥味極辛出黃巖仙居

瓜 赤城志有金瓜銀瓜等種又有名八稜約青算
筍者

蘿蔔 黃巖縣志萊菔俗名蘿蔔宜於沙地出黃巖
潮際者尤大

韭 天台山記赤城山有洗腸井昔曇猷禮石橋應
真怪其腹中有韭氣猷出腸洗之至今韭尚叢生
焉 天台勝蹟錄今井
邊生韭青而香

薑 本草綱目出臨海章安者佳枝甚長 玉環志猴
薑一名毛

薑可

入藥

蒜 崇禎寧海縣志有蓮花蒜又一種名八簡

沙蒜 黃巖縣志沙蒜另有一種曰塗笋

筋竹笋 笋譜天台圖經云五縣皆有言其竹韌也

狗竹笋 笋譜寧海以來多有三寸圍節間有毛筍

三月生可食

合蕈 菌譜邑西韋羌山高迴秀異寒極雪收林木

堅瘦春氣微欲動土鬆芽活此菌候也菌質外褐

色肥理玉潔芳薌韻味發釜鬲聞百步外蓋菌多種自柔美皆無香獨合蕈香與味稱雖靈芝天花無是也宜特尊之以冠諸菌其始名合蕈舊傳昔嘗上進標以台蕈上遙見誤讀因承誤云數十年來既充包貢山獠得善賈率曝乾以售罕獲生致邑孟溪山中亦同時產惟蕈柄高無香氣土人以是別於韋羌焉

稠膏蕈 菌譜邑西北孟谿山窈窕邃深莫測秋中

山氣重霏雨零露浸釀山膏木腴蓓為菌花戢戢
多生山絕頂高樹杪初如藥珠園瑩類輕酥滴乳
淺黃白色味尤甘勝已乃傘張大幾掌味頓渝矣
春時亦間生不能多稠膏得名土人謂稠木膏液
所生耳合蕈他邦猶或有之此菌獨此邑此山所
產故尤可貴鬻法當徐下鼎瀋伺涓沸漉起謹勿
匕撓撓則涎腥不可食性參和衆味而特全於酒
烹齊既調溫厚滑甘雉尾尊不足道也或欲致遠

則復湯蒸熟貯之瓶罌然其味去出山遠矣

萬厯仙居

縣志又名香榧韋羌大陳坑諸山皆有用桐樹標樹先一年砍伐以斧遍擊之次年雷動即生

栗殼蕈

菌譜寒氣至稠膏將盡栗殼者則其續也

桐蕈

癸辛雜識天台所出桐蕈味極珍然致遠必

漬之以麻油色味未免頓減諸謝皆台人尤嗜此品乃併擗桐木以致之旋摘以供饌甚鮮美

天花蕈

赤城志生木上者曰木耳生木上而細者

曰天花蕈

石耳 日用本草石耳生天台石崖上遠望如烟

巖衣 臨海縣志生巖石上甚美

椒 始豐類藁蜀多美椒天台賈漢州解官歸時攜

其種時之其味辛烈不減蜀產至今人稱漢州椒

天台縣志紅椒色香勝於蜀產以赤山產者為勝赤城志其椒紅色天台獨盛

胡麻飯 埤雅天台有胡麻飯

仙米 台州府志太平縣天馬山龍湫下出石米通

明如雪俗稱仙米

山桑 崇禎寧海縣志可為弓

松 王羲之游西郡記永寧縣界海中有松門島嶼

上皆生松

金松 平泉草木記木之奇者有天台之金松

酉陽雜俎

葉似麥門冬葉中一縷如金縷出浙東台州尤多李德裕金松賦并序廣陵東南有顏大師猶子舊宅即孔北海故臺余因游眺忽覩奇木枝似檉松葉如瞿麥翠葉金貫繁然有光訪其名曰金松訊所自來得於台嶺乃就主人求得一本列於平泉叙其所自作此賦青春已暮白日將夕經顏子之故巷訪孔公之舊宅美珍木之在庭得嘉名於樵客曩擢本於台嶺近徙根於簷隙其柯肅肅可比

於真松其葉纖纖實侔於瞿麥風入葉而成韻露垂柯而流液不受命於嚴霜諒同心於寒柏含春霽而蔥蒨映夕陽而的皪疑翠尾之羣翔若金潭之旁射雖爽籟於簾竹混晶光於瑤碧奇樹以垂珠而擅名金松以潛穎而莫覲亦猶處子在於隱淪奇木遺於草澤我有衡宇依山岑寂類仲長之清曠如蕭宰之窮僻託根此地似在崖壁殊橘柚之不僂同甘棠之可惜庶封植於園林永愛玩而數

琪樹 赤城志按孫綽賦云琪樹璀璨而垂珠李善

注云仙都所產未言其狀也至唐人詩詠始盛李

紳詩注云垂條如弱柳結子如碧珠三年子可一

熟每歲生者相續一年綠二年碧三年者紅綴於

條上璀璨相間此言其狀也

李紳琪樹詩石橋峯上棲元鶴碧澗巖邊

陰羽人冰葉萬條垂碧玉珠千日保青春月中滴露應同浥澗底侵雲尚有塵徒使茯苓成琥珀

不為松老

化龍鱗

偃松 赤城志土產最盛天台有怪松大數圍高不

四五尺陸龜蒙嘗讚之寧海梁王寺亦有偃松極

古怪

香柏 赤城志天台柏香峯以多柏木故名

海石楠 平泉草木記天台之海石楠

金荆 天台縣志木有文可為牀

支 赤城志謝靈運名山記云樓石山多有之

枕 赤城志出樓石山

棕櫚 崇禎寧海縣志棕櫚極多其皮可蔽雨索綯

錦漆 玉環志不凋多節又一種多刺者名棟漆可

燒作炭

山桃 玉環志葉長有毛花如桃紫色不實

花蕭 玉環志花粉紅結黑子可染網網入鹹水不腐

墨梔 玉環志花如茶花葉如冬青皮似杉紅心其皮可毒魚出小陳譽

山椒 玉環志大合抱高不過六七尺不花而實如山查不可食

土漆 玉環志其皮粘著人手即發腫若刀瘡見血搗此敷之即止

釣樟 玉環志與樟二木也其葉搗汁用熱水沖對
膠粘和灰合磚牢不可破

羅漢樹 林憲題台州郡圃羅漢樹詩序其樹葉如

楊梅經冬不凋生子若羅漢然奇特古怪前所未
見也郡人相傳樹有白猿出於月明之時慶厯中

有禽若鸞鳳而紫色棲於曉烟中

天台勝蹟錄菩提樹不花而實

狀如羅漢至秋方收子名菩提珠天台山志山有菩提樹相傳西天梵僧游化遺此種樹如柿花亦同未結葉先乃別抽一葉長指半許潤兩指色白而光潤乃結葉於葉下晝則覆子以蔽日夜則捧

子以承露秋社後取子為珠十百中必有一
二如羅漢者謂之佛頭他處所生則無之

鴛鴦木

赤城志通判廳後有連理樹號曰鴛鴦木

寧海溪南櫟木亦然

烏江栗

玉環志不凋亦生栗房而無實又有青栗

白栗紅栗青栗心帶青色為材最良

山機烏

玉環志又名林子結黑子如蠶豆有核可

食

烏那飯

玉環志可燒白炭銀匠必用之子如椒黑

色亦可食

生欏杠 玉環志可作欏

桃 鄭至道劉阮洞記鳴玉澗有塢植桃數畦落英

繽紛點綴芳草流紅縹緲隨水而下此昔人食桃

輕舉之地也

赤城志桃多種以天台水南為勝皆夏熟惟紫桃一名崑崙桃以秋熟更

有名寒桃以十月熟又有實心如梅者曰御愛桃又有水蜜桃綿桃餅子桃其無實者為碧桃緋桃

李 果囉羅納延赤城詩注金閤山在赤城西郊山

中盛產青李來禽諸果

水晶李

花史出天台閑閑真人曾致元帝

杏 述異記天台山有杏花六出而五色號仙人杏

林檎

赤城志本名來禽出天台者佳

楊梅

赤城志子如彈丸赤色五月中熟近歲土人

所植多大而甘

鶴珠棗

羣芳譜出天台閑閑真人以致元帝

山棗

天台縣志色青黃其核似棗蓋今山棗一名

楊桃本草名藤梨或名獼猴桃

栗 本草綱目刻及始豐皮薄而甜相傳有人病足
往其下食數升即能起行始豐今天台也小者號

芋栗

榲 赤城志花實相續而生天台仙居有之

蒲萄 赤城志有二種紫者微酸青綠者甘甘者名
水晶味尤勝出仙居

朱欒 赤城志朱欒實大如甌理麤而皮厚其瓣堅
酢不可食俗呼沙柑又有香欒蜜覃二種

瓜 方輿勝覽天台山石橋梁峭危石罅有木瓜華
時有蛇盤糾至實落供大士乃去號為護聖瓜

柑 陳景沂橘錄跋韓彥直之著錄也但知乳柑出
於溫之泥山獨不知出於天台之黃巖也出於泥
山者固奇出於黃巖者尤天下之奇也

薰橘 嘉靖浙江通志台州出

落花生 萬厯仙居縣志原出福建近得其種植之
金豆 天台縣志果之屬有金豆味香可為蜜煎

異果 臨海異物志候閨子如指頭大味苦可食土
翁子如漆子大熟時甜酸色清黑猴總子如指大
與柿相似其味不減於柿多南子如指大紫色味
甘與梅子相似皆異果他處所無

藕 赤城志出臨海蔡嶺者佳

甘蔗 赤城志有竹荻二種出黃巖亢山等處

台州府志

近世閩人教以栽蔗秋熟壓其
漿煎之惟不能取霜故其利薄

茨菰 羣芳譜即鳧茨漢書作鳧苽葉有稭如燕尾

生水田中今蔡嶺為多

牡丹

赤城志寧海縣柯仙山其地產牡丹特盛

玉蘭

天台山方外志台山處處有之其樹有合抱

者土人謂之望春花

山海棠

天台山方外志土人謂之紅棠梨葉如梨

樹花如紅梅

紫荊

天台山記寒巖下有通海池植鐵色紫荊樹

玫瑰

巖棲幽事天台有白玫瑰

桂 名勝志郡署有月桂齋唐時月中桂子降芳香

味甘食之和暢

本草綱目即今浙中山桂也台州天竺最多大樹繁花結實如蓮子

狀天竺僧人稱為月桂是矣

西湖棘 黃巖縣志花屬中天棘有一種葉綠花紅

名西湖棘

鶴翎花 天台勝紀花有鶴翎在石橋東五月開花

非常奇異移植之不活

名山記天台山有婆羅樹花一名鶴翎出華頂峯以

多經風霜樹不高大樹數百枝枝十餘頭頭六七葉經冬不凋花如芍藥香如茉莉徐大受鶴翎花

詩九葩一萼鶴翎紅開後梅黃細雨中
千葉青蓮無路到不知春在石橋東

仙人掌 天台山方外志生石壁上如人掌

冬花 赤城志寧海鹿頭峯林壑中冬有花如桃李

九頭蘭 萬厯仙居縣志蘭有春夏秋冬四種又一
種名九頭蘭暮春盛開

挂蘭 天台縣志生巖谷中

水仙 玉環志遍壘叢生清芬襲人

鐵線菊 台州府志莖似藤而不曲附挺然直上惟

以梢抱物若繫結然故名鐵索花以四月十月兩
開一節二葉色近綠豆外五大瓣先放如盤內則
千片日放一層開最久然不易植

蒲葵竹

台州府志節相去逾尺可為笈筥不假丹

漆

佛面竹

天台縣志節短而方色青黑根如人面

苦竹

赤城志仙居縣西苦竹橋其地多植苦竹

甘竹實

天台山志出天台山閑閑真人以致元帝

竹瀝 江鄰幾雜志蘇才翁嘗與蔡君謨鬪茶蔡茶
水用惠山泉蘇茶小劣改用竹瀝水煎遂能取勝
天台竹瀝水彼人砍竹稍屈而取之盈甕若以他
水雜之則亟敗

茶 赤城志按陸羽茶經台越下注云生赤城山者
與歙同桑莊姑芝續譜云天台茶有三品紫凝為
上魏嶺次之小溪又次之紫凝今普門也魏嶺天
封也小溪國清也而宋祁答如吉茶詩有佛天雨

露帝苑仙漿之語蓋盛稱茶美而不言其所出之處今紫凝之外臨海言延峯山仙居言白馬山黃巖言紫高山寧海言茶山皆號最珍而紫高茶山昔以為在日鑄之上者也

赤城續志黃巖紫高山土膏泉冽中產茶甚奇

又寧海蓋蒼山一名茶山瀕大海絕頂其地產茶

上雲茶 嘉靖臨海縣志上雲峯產茶味異他處宋濂有記

園茗 抱朴子蓋竹山有仙翁茶園舊傳葛玄植茗

於此

蒙泉酒 赤城志州有蒙泉嘗汲此水釀酒因以為名

靈江風月 赤城志州舊以靈江水釀酒宋嘉定中嘗以靈江風月名郡醞

台芎 本草綱目出蜀中者謂之川芎出天台者為台芎因地而名也金光明經謂之闍莫迦

三黃 黃巖縣志地黃有三種以水試之沈者曰地

黃最佳半沈者曰人黃次之浮者曰天黃為下

紅朮 赤城志白者葉大有毛甘而少膏赤者反是
貫休詩黑壤生紅朮指天台也杜光庭空明洞詩
芝朮迎風香馥馥指黃巖也

玉柏 本草拾遺生天台山石上似松此即玉柏之
長者名山皆有之高一二尺山人取根莖用

白芷 赤城志近城及天台仙居多種之

附子 赤城志出仙居黃皮山比蜀產為下

乾薑 名醫別錄出臨海章安數村作之

香茅 天台山志玉霄峯重崖疊嶂上產

天台勝紀
惟洞天宮

後者佳地不踰丈
道士多祕惜之

商陸 黃巖縣志有如人形者有神俗呼章柳

草烏 赤城志出蒼山

虎豆 玉環志葉如豆莢內有小豆入藥

水梔 赤城志寧海東郭巖秀石崖嶺石間生水梔

卷柏 菖蒲東西瀕海多薑朮

香艾 天台縣志鳳林崖上所產艾甚香入藥最佳
紫葛 嘉靖浙江通志天台紫葛形類芍藥根苗似

葡萄長丈許

根子 天台山志石梁北出向東者佳

南燭 天台山方外志太極真人青精乾石飢飯以
山中南燭煮汁漬米為之

烏藥 本草別說世稱天台者為勝肉色頗赤差細
小耳

昆布 赤城志東鎮山生

山查 玉環志紅子可食子與根皆入藥

山黃荊 玉環志子如胡椒可屑粉亦入藥能消食

虎掌諸 赤城志諸藥一名玉延一種出臨海寧海

山中根圓而長名山藥其下品曰水諸藥又一種

紫黃色曰虎掌諸以形似故名入藥最良出黃巖

天壽根 圖經本草出台州其性涼治胸臆煩熱

仙人飯 黃巖縣志縣有仙人飯俗呼山阿娘

黃寮郎

圖經本草生天台山冬夏常青治風

天仙藤

天台山志生山巖上春生苗抽蔓作藤葉

似葛葉圓而小四時不凋根有鬚夏月采

石南藤

天台山志天台石南藤四時不凋

清風藤

圖經本草生台州天台中其苗蔓延木

上四時常青又名青藤

百稜藤

圖經本草一名百靈藤生台州山中春生

苗蔓延木上無花葉冬采皮入藥

天台縣志藤十
二品皆出天台

先是內廷常取清風藤無有識者後於臨海山中得之蓋天台六邑之總稱也

含春藤

圖經本草生台州其苗延木冬夏常青

十里及藤

圖經本草一曰千里急生天台山中春

生苗秋有花花葉皆可入藥

祁婆藤

圖經本草生天台中蔓延木上四時有

葉無花

百藥祖

圖經本草生天台中冬夏常青土人採

葉治風

催風使 圖經本草生天台山中冬夏常青土人採

葉治風

伏翼 太平寰宇記玉峴山鍾乳穴有伏翼大如鷲

天台山方外志仙鼠即伏翼在山孔中食乳石其大如鳩鵲者仙經所謂肉芝是也

石髓石脂 臨海記天台縣寒石山產

青芝 耳目記赤城山頂有青芝二根天台賦五芝含秀而晨敷謂赤芝黃芝白芝黑芝紫芝也

茅 玉環志土人用以織壁堅硬勝竹

綠苔 崇禎寧海縣志苔如髮而綠生海崖

赤城志
生海水

中出寧海

古洞者佳

紫草 赤城志仙居縣清風鄉紫巖山石上產

長生草 天台縣志生古樹中取而空懸之曝以日

經年不槁

觀音草 天台勝蹟錄生山谷中人以盆盛清水沙

石植之則青著泥則萎

候潮草 太平縣志葉間有莢如榆潮至則開退則

合

鳳尾龍鬚 萬厯仙居縣志草屬

菖蒲 天台方外志幽溪菖蒲一寸九節十二節者最多其他溪谷皆有之

潮雞 赤城志雞有黃白鳥花色大者喜鬪又有潮

雞遇潮長則鳴孟浩然天台詩所謂鳴雞信早潮

是也

玉志潮頭雞隨潮食魚白色似雞而扁嘴

天雞 天台方外志產桃都李白詩空中聞天雞

是也

竹雞 赤城志俗傳白蟻聞之即化為水山中最多
黃雀 赤城志斑褐色又有黃色者八九月羣飛稻
田間人取為披綿鮓或云海魚所化八月為雀十
月復入海為魚

鷓鴣 天台要覽天台縣西北有龍湫其山常有鷓
鴣鳴因名鷓鴣山

金雀 天台山方外志石梁方廣梵唄方作先有金

色雀飛翔林石

翠碧 赤城志毛可為飾土人呼為紅翠

陽遂 臨海異物志背青黑腹下黃白五足長短相等不知頭尾所在生時體軟死即乾脆

郭公 崇禎寧海縣志此鳥鳴自呼又有婆餅焦王公斷磨皆自呼其名

鷓鴣 臨海異物志水鳥有五色食短菰說文作溪鷓

搗藥禽 赤城志其聲丁當似之

泥滑滑 黃巖縣志尾長色白者為雄尾短色赤者為雌春末自呼其名郡志作竹雞者誤也

獨足鳥 臨海異物志東陞有鳥文身赤口而一足惟食蟲豸不害稻梁其鳴如嘯聲俗名獨足

相思鳥 天台勝紀似雀而長綠背黃胸翼五色嘯距皆朱豢之者籠一放一雖遠必歸此羽族中匹配之最摯者一名雙雙黃巖最多

桐花鳳

萬厯仙居縣志陽溪桐林諸山中有之

此即

鳳么

十二紅

赤城志羽毛紅褐碧綠相間

山馬

萬厯仙居縣志蒼山常有之

竹鼯

黃巖縣志患竹刺入肉者啗之良愈

金絲猿

天台游考台山有猿而無猴嘗有金絲猿

隱於石梁間

栗鼠

天台山方外志松鼠尾小栗鼠尾大

黃鼠 玉環志毛可作筆皮可為帽

香魚 黃巖縣志香而無腥色青一名細鱗每月長一寸至十月而止

短魚 赤城志項縮而短又有一種名曰鸚哥魚
燭魚 談薈鰓魚如指長七八寸但有脊骨曝為燭
極有光明

火魚 嘉靖浙江通志台州火魚形赤類火

鹿魚 臨海異物志頭上有兩鹿角

鰲魚 臨海異物志腹背有刺如三角菱

子魚 黃巖縣志味美不減通應所產但不常有

燕魚 臨海異物志長五寸陰雨則飛或即海燕

石首魚 玉環志此魚冬月名報春二月名鰲八月

名桂花石首四五月名黃魚出北洋烏洋漁市凡

三汛

楓葉魚 赤城志形小味極珍土人重之

海物異名記此魚楓

葉入水之所化也

箸葉魚 臨海異物志比目魚南越謂之板魚今浙

人謂之鞋底魚亦謂之箸葉魚

臨海縣志魚各一目相並而行爾雅

所謂東方有比目魚不比不行其名曰鰈是也段氏比戶錄謂之鰈吳都賦謂之鮓上林賦謂之鮓鰈猶鰈也俗名鞋底魚又名婢筏魚臨海風土記名奴鰈魚南越志名版魚南方異物志名箸葉魚皆因形也

石斑魚 本草綱目長者尺餘斑如虎文有毒南方

異物志云高魚似鱒有雌無雄二三月與蜥蜴合

於水上其胎毒人酉陽雜俎云石斑與蛇交南方

有土蜂土人殺此魚標樹上引鳥食之蜂窠皆盡

石帆魚

海物異名記生海中石穴

望潮魚

述異記出台州臨海縣

龍頭魚

黃巖縣志一名鱗骨柔無鱗身如膏髓

銅吮魚

臨海縣志鰕魚一名銅吮魚喙有一針

地青魚

臨海異物志尾有刺甚長逢物則撥之色

白者曰地白又名邵陽魚

撮千魚

嘉靖浙江通志生溪澗中其小如針撮之

可得千焉故名

梅童魚 黃巖縣志類石首魚而小

謝豹魚 赤城志杜宇鳴時有之

秀才魚 赤城志柿核一名秀才魚

金銀鯽 赤城志九頃塘有金銀鯽魚味絕美然有

魚艇則覆焉

飛魚 臨海記越王望海館下有湖多金鵝飛魚

金鰻 崇禎寧海縣志青雷潭中乞雨者每得金鰻

於此

獺鰻

崇禎寧海縣志鰻有一種形似筍曰獺鰻

魚鰾

崇禎寧海縣志元時邑貢魚鰾巨魚腹中取

之

松門鮫

嘉靖浙江通志蹠跳所在海中其鮫特鮮

美

台州府志太平有松門島在海中嶼上生松通小洋產魚曝之為鮫極為佳品玉環志此名黃

花魚一名春來亦名鮫魚又名金鱗春月生子聲如羣蛙漁人聽聲收網聽法以竹筒測之知其頭向上即用網如疋布兩頭收合無不就擒若頭向下即皆從水底逸去四時皆有春夏用網秋冬用

釣以松門伏蓋為佳驗蓋之法伏蓋兩翅相交過頭出伏則不過頭至秋冬則散開而不相交矣

蟹 呂亢臨海蟹圖蟹凡十二種一曰蝤蛸兩螯大

而有細毛如苔八足亦有微毛二曰撥棹子狀如

蝤蛸螯足無毛後兩小足薄而微濶三曰擁劍色

黃其一螯偏長有光四曰彭蠡爾雅注小蟹也吳

人呼為彭越五曰竭撲大於彭蠡殼黑斑有文章

螯正赤常以大螯障日小螯取食六曰沙狗壤沙

為穴見人則走七曰望潮殼白居則背坎外向潮

來舉螯如望不失常期八曰倚望東西顧睨行不
四五又望入穴乃止九曰石碯大於常蟹通赤狀
若鵝卵十曰鮮江足極小堅如石不可食十一曰
蘆虎正赤不可食十二曰彭蜆大於彭蠡小於常
蟹

車螯 本草綱目殼色紫璀璨如玉斑點如花海人
以火炙之則殼開取肉食之殼可飾器物灰可墁
塞牆壁又可為粉飾面俗呼蛤粉亦或生珠其為

用多矣其似車螯而角不正者曰移角似車螯而殼薄者曰姑勞似車螯而小者曰羊蹄

螺 張存游國清寺記天台之勝其雙澗名螺溪有水一泓極深即智者大師放螺處今約有巨礪大或時出石上作吼聲則風雨輒作

對蝦 崇禎寧海縣志蝦種大者曰對蝦味至美潮蛤 赤城志每一潮生一暈姚寬夫天台詩春潮生蛤暈是也

石蚶 玉環志形如龜脚土人直以龜脚呼之海中
山巖上附石攢生如花叢半截帶殼微青肉紅色
軟毛南越志云得春雨則生花

滾塘 玉環志身圓有齒好入蝤蛸穴中俟其退殼
而食之故又名蝤蛸虎

海馬 玉環志形如馬出水即死從小蝦中揀出之
可入藥

人鬼眼 玉環志殼硬如鐵綠色肉如蛤蜊

千人臂 海物異名記聚刺獷殼臂之不能入

穿山甲 黃巖縣志一名鮫鯉似鯉而四足能陸能

水

蜂

赤城志州有蜜巖多蜂

名醫別錄石蜜即崖蜜也在高山巖石間作之

其蜂黑色似室其木蜜懸樹枝作之色青白在人
家及樹空作者亦白而濃厚味美今出東陽臨海
諸處者多木蜜出於潛懷安諸縣者多崖蜜亦有
樹木及人家養者諸蜜例多添雜及煎煮不可入
藥必須親自看取方無雜耳凡蜂作蜜皆須人
小便利以釀諸花乃得和熟狀似作飴須藥也

絹

赤城志出仙居黃巖者佳

葛 嘉靖浙江通志台州兼絲葛以葛雜絲而織之
有黃白二色

玉版紙 赤城志蘇文忠雜志云呂獻可遺余天台
玉版過於澄心堂又米元章用黃巖藤紙硃熟揭
其半用之有滑淨軟熟之稱今出臨海者曰黃檀
曰東陳出天台者曰大淡出寧海者曰黃公而出
黃巖者以竹穰為之即所謂玉版也

呈文紙 萬厯仙居縣志出朱溪

甲香 太平寰宇記台州產

楓脂 赤城志可為香名山記云天姥山有長楓十
餘丈今無之

草席 太平縣志出渭川莞田

鐵廂席 萬厯仙居縣志仙居之貨有鐵箱席

朱砂 台州府志樓旗山惠衆寺西砂狀如鐵研之
可為砂

柘絲 太平縣志山產柘取其絲作琴絃清亮勝桑

蠶

棉花 太平縣志山田多產色白者上淡黃者下

鴉碗 黃巖縣志以螺殼為酒盞俗呼鴉碗

金漆 臨海記東鎮山有金漆木用塗器物與黃金

不殊

赤城志其木似擣成林收漆時截竹管銳其首以刀砍木寸餘入管取之

藤杖 避暑錄話晁任道自天台來以石橋藤杖為

贈自言親取於懸崖間柔韌而輕堅如束筋余自

許昌歸得大壇藤杖外圓與此不類而中相若

李汶

游天台紀畧萬年藤為杖蒼黝糾結不知經幾風
霜當是瓌奇物朱彝尊萬年藤杖歌我有天台萬
年藤持贈吳下遂初翁想當李明柏碩迹未到此
藤久已生山中偶然拾自金庭宮攜歸曉夜但拂
拭重之不異長生桐翁昔史館文最雄南狐東馬
卓有前賢風即如詩篇也壓蕭范陸長城笑把偏
師攻歐陽黃九柳秦七新詞往往傳歌童翁今歸
來雙耳聰厯頭六十更二十顏貌却如四十同況
有才子籍早通兼珍之膳潔且豐人生快意亦已
足豈必入海求方蓬西堂日煖花滿櫬楊梅漸紫
櫻桃紅翁來期我花下酌清晨扶杖葑門東繭紙
戢戢抽詩筒看翁游覽興未窮水循練瀆山穹窿
長松樹底芝草叢四方上下
與翁逐杖兮杖兮藉汝功

華頂杖

天台紀勝天台山出仙樹杖

皮日休華頂杖詩金陵仙

樹杖過客自攜持探洞求丹粟挑雲覓白芝量泉
將濯足闌鶴把支頤以此將為贈唯君盡得知陸
龜蒙和襲美華頂杖詩萬古陰崖雪靈根不為枯
瘦于霜鶴脰奇是墨龍鬚挂訪元談客持看潑畫
圖披雲如有路
兼可到仙都

銀 赤城志出天台赤巖

鉛 赤城志出天台赤巖郭婆坑等處

銅鐵 赤城志寧海縣龍鬚山產

鐵砂 崇禎寧海縣志東溪出冶者陶鍊成之

方石 輟耕錄委羽山中藏洞穴其側產方石周正

光澤五色錯雜雖加琢磨殆不是過大者三四分
小者比米粒碎之亦無不端方

印石 天台山方外志石之丹者如霞青者如黛然
求其美者不可得惟寶花山所出者可為圖書潢
水山所出僅可為研

碑石 台州府志太平縣石蒼山產石可為碑黃監
山石可為橋梁柱礎居民利之

花乳石 天台山志寶華山產色如瑇瑁瑩潤堅潔

可愛李德裕謝寄石詩聞君採奇石剪斷赤城霞
林逋謝天台僧寄石枕詩斷石自何許枕之懷赤
城皆謂此也

花藥石 萬厯仙居縣志出三十八都大洪地後為
里人焚碎不可用

荔枝石 萬厯仙居縣志出四都又有羊肝石

寶拳石 宣和石譜天台縣石多華出土中其質頗
與萊州石相類扣有聲色微白紋理斑斕土人鐫

礪作器皿或為鐺鉞但經火不甚堅久

浙江通志卷一百五